

Gvangjsih Minzczuz Bau

ganhau: CN45-0036 B.2018 Nd.12 Ng.26 liggaueq fouhswt nienz ndwenit ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3355期

Gvangjsih Aen Nduj Bozvuzgvanej Seilaeb Ndangdaenj Minzczuz Vunznnoix Hai Gvanj

Ndwen 12 ngoenz 22, Gvangjsih aen nduj bozvuzgvanej seilaeb ndangdaenj minzczuz vunznnoix—Aen Bozvuzgvanej “Buh Gaeuq Hwng Moq” cingqsik hai gvanj, caemhcaiq doiq rog hailangh mbouj aeu cienz.

Aen bozvuzgvanej neix youq Gvangjsih Nanzningz Song Gai Sam Hongh Hongghinhshw 52 Hauh, cungmienhcik daih'iek 380 bingzfanghmij. Aen bozvuzgvanej neix faen baenz 9 dieg, yungh gij hingzsik aen hoenggan ndeu aen cawjdaez ndeu caux ok

gij heiqfaenh yisuz, yienh'ok gij ndangdaenj ndei yawj caeuq gij rengzhoengh hung'ak vwnzva cienzdoengi. Leihyunggh gij yiengh baihrog dajcang ciuzlouz hwng daihneix, doed ok gij daegdiemj ndangdaenj minzczuz.

Ndaw gvanj gij doxgaiq yo langh—baij le gij ndangdaenj Cuengh Yauz Myauz Dung seiq aen minzczuz Gvangjsih caeuq hongdawz san、nda、benqsuiq daengj doxgaiq gvaq ndwenngoenz yungh, cungjloih lai yiengh, seizgan hamjgyae raez, yisuz funggek

mbouj doengz, cawz gij ndangdaenj cienzdoengj minzczuz vunznnoix, ndaw gvanj lij baij miz gij doxgaiq miz minzczuz yenzsu dem, hawj vunzlai yienhciegz ndaej roxnyinh gij yinxdaez cauhamoq vwnzva minzczuz, hemqheuh engq lai vunz baujhoh、swnjciegz caeuq fatyiegz vwnzva minzczuz. Seizneix, bozvuzgvanej hailangh hawj vunzlai yawj mbouj aeu cienz, aen bozvuzgvanej neix hai gvanj hix vih Nanzningz soujfuj gyalai dieg bae lijyouz vwnzva moq. (Vangz Yungj)

SIUSIK DINJ

● Geij bi neix daeuj, Hozciz Si Yizcouh Gih Daihit Siujoyz dawz swnjciegz feihyiz vwnzva dangguh hangh neiyungz sonhag youqgaenj hagdangz doicaenh minzczuz gyauyuz、gyagiengz minzczuz doxgiat ndeu, daegbied dwg vatcimh cingjeix fwen Liuz Samcej riuz youq dangdieg haenx, caemhcaiq son'gyauq hawj hagseng bouxcoz nyezrauh gak cuz, hawj de baenz “binjbaiz dijbauj” ndaw hag daegsaek minzczuz gyauyuz.

(Linz Siuhniz)

● Bi 2008 ndwen 9 doxdaeuj, Liujcouh Si daiqdaez youq lajmbanj hagdangz yivu gyauyuz Sanhgyangh Duncuz Swciyen saedhengz aen gunghcwngz “donq ngaiz mbouj aeu cienz”, youz cwngfuj ok ngaenz, hawj hagseng gungzhoj moix ngoenz cung ndaej gwn donq ngaiz singisien. 10 bi doxdaeuj, “donq ngaiz mbouj aeu cienz” gaenq leih daengz lwghag Mbanjdung 80 lai fanh vunzbaez, hawj dingzlai lwgnyez lajmbanj gwn imq hwnj hag ndei.

(Gungh Bujganh)

● Mboengqneix, Denzyangz Yen Yinzminz Cwngfuj cujciz Veigiveij、Gunghsanghgiz、Gungh'anhgiz daengj 12 aen danhvei youq dieg senj dieg senj ranz bangfuz gyaranz lauxyiegz ndaw yienh, haiguh aen hozdung senhconz cihsiz ancienz ngoenznaengz guh hong gvaq ndwenngoenz bi 2018, doenggvaq baij senhconz canjbanj、fat swhliu senhconz、yienhciegz camcaz gejdap daengj hingzsik cienz doh ancienz cihsiz hawj vunzlai gaenq senj haeuj gyaranz lauxyiegz haenx.

(Vangz Gyangz)

● Ndwen 12 ngoenz 18 banhaet, vunzlai Yauzczuz Mbanjcanbu Mbanjyauz Gunghcwngz doenggvaq gvangibo、densi、soujgih, dingq、yawj aen daihhoih angqhoh gajgwz hailangh 40 hopbi. Caezgya doxcomz youq giz ndeu, lwnhgangj gij bienvraq hungloet henz ndang gajgwz hailangh 40 hopbi neix, caemhcaiq soengq gij hohfuk caenciet hawj guekcoj.

(Cwng Ciminj)



Yungzsuij: Ciengqgo Diuqfoux Angqhoh Doengceiq

Ndwen 12 ngoenz 22 dwg liggaueq ciethaiq doengceiq, Liujcouh Si Yungzsuij Myauzczuz Swciyen banh nienzhohi Yauzczuz yozvei. 200 lai boux beixnuengx Yauzczuz daj gak yanghcin daeuj haenx ndang daenj buhvaq minzczuz moqsag, doxcomz youq giz ndeu, ciengq Fwenyauz, diuq Fouxyauz caeuq biujyienj gij yizi baenzranz Yauzczuz gaeuqgeq, ciengqgo diuqfoux caezcaemh angqhoh doengceiq. Ndaw doz dwg geij boux mehmbwk Yauzczuz ciengq Fwenyauz.

(Lungz Linzci/龙林智)

Baksaek Si Mbanj Vwnzyi Ranz Vwnzyi Doxcomz Yienjheiq

Ndwen 12 ngoenz 17 banhaemh, “aen gunghcwngz cien mbanj fanh ranz vwnzyi leih lwgminz” —Angqhoh gajgwz hailangh 40 hopbi、swcigih laebbaenz 60 hopbi Baksaek Si mbanj vwnzyi ranz vwnzyi doxcomz yienjheiq youq Swnhlinz Gvangjczangz aen si neix banh.

Mwh yienjok, canghheiq ndawbiengz mbanj vwnzyi ranz vwnzyi daj Bingzgoj、Lungzlinz、Nazboh daengj 10 aen yienh(gih) daeuj haenx, yienj le gij cezmuz vwnzyi fwenleux Bouxcuengh、naenghciegq betyem、heiqmoegyau、Heiqcuengh daengj gig miz daegsaek

minzczuz dangdieg haenx, gyoengqde yungh gij vah depgyawj vunzlai caeuq gij hingzsik vwnzyi yienghsienq sengdoengh danghaenh ndwenngoenz moq、fatyiegz gij vwnzva cienzdoengj, yungh gofoux angqyangz caezcaemh angqhoh gajgwz hailangh 40 hopbi、swcigih laebbaenz 60 hopbi. Yienjok cezmuz fungfouq lai yiengh, ndaej daengz bouxyawj bekwngz nyauznyauz.

Ciuq cam rox, “aen gunghcwngz cien mbanj fanh ranz vwnzyi leih lwgminz” dwg gij binjbaiz hanghmoeg cungdenj vwnzva leih lwgminz Swcigih

Vwnzlenz saedhengz doicaenh haenx, muzdiz dwg doenggvaq haeujlaeg laebdaeb haiguh hozdung vwnzyi leih lwgminz, cauxlaeb hwnj aen dijhi swnjciegz vwnzva cienzdoengj maenhndei. Geij bi neix daeuj, aen si neix vwnzlenz yawjnaek aeu baujhoh swnjciegz feihyiz caeuq “aen gunghcwngz cien mbanj fanh ranz vwnzyi leih lwgminz” dox giethab, bangcoengh aenmbanj miz giekdaej dajcauh gij binjbaiz feihyiz, fugsah lajmbanj ginghci ndawbiengz hwngfat, mboujduenh hawj vunzlai ndaej vuenyungz.

(Luz Sih)